



Ruj. Kami : JPA.BK(S)134/14/7 Jld. 7 (47)
Tarikh : 22 Mac 2019

Semua Ketua Setiausaha Kementerian
Semua Ketua Jabatan Persekutuan

YBhg. Tan Sri/Datuk Seri/Dato' Seri/Datuk/Dato'/Tuan/Puan,

**URUSAN PEMANGKUAN PENOLONG PEGAWAI LATIHAN VOKASIONAL
GRED DV36 KE GRED DV38 PERKHIDMATAN GUNASAMA PERSEKUTUAN**

Dengan segala hormatnya saya diarah untuk merujuk kepada perkara tersebut di atas.

2. Sukacita dimaklumkan bahawa Bahagian Perkhidmatan, Jabatan Perkhidmatan Awam Malaysia (JPA) sedang dalam proses **persediaan pengisian jawatan Penolong Pegawai Latihan Vokasional (PPLV) Gred DV38 bagi tahun 2019/2020**. Sehubungan dengan itu, pihak YBhg. Tan Sri/Datuk Seri/Dato' Seri/Datuk/Dato'/tuan/puan adalah dipohon untuk mengemukakan maklumat **PPLV Gred DV36** yang layak dipertimbangkan berdasarkan syarat-syarat berikut:-

- 2.1 Dinaikkan pangkat sebagai PPLV Gred DV36 **pada 31 Disember 2008 dan sebelum** (tidak hilang kekananan yang boleh menyebabkan tarikh kenaikan pangkat ke Gred DV36 berubah kepada tarikh 1 Januari 2009 dan seterusnya;
- 2.2 Markah wajaran LNPT bagi **tiga (3) tahun terkini (2016, 2017 dan 2018)** adalah **80% dan ke atas**;
- 2.3 Lulus tapisan keutuhan Suruhanjaya Pencegahan Rasuah Malaysia (SPRM);
- 2.4 Telah mengisytiharkan harta berdasarkan peraturan yang sedang berkuat kuasa;
- 2.5 Bebas daripada tindakan atau hukuman tatatertib;
- 2.6 Menandatangani Surat Akuan Pinjaman Institusi/Tabung Pendidikan; dan
- 2.7 **Diperakukan oleh Ketua Jabatan.**

...2/

3. Untuk makluman YBhg. Tan Sri/Datuk Seri/Dato' Seri/Datuk/Dato'/tuan/puan, kekosongan jawatan PPLV Gred DV38 di seluruh Kementerian/Agensi Persekutuan adalah **lapan belas (18) kekosongan** sahaja. Justeru, urusan pengisian jawatan ini akan melibatkan **penempatan semula di beberapa lokasi kekosongan seperti di Lampiran D.**

4. Sehubungan dengan itu, calon-calon yang **tidak bersedia untuk penempatan semula di lokasi seperti yang dinyatakan di Lampiran D dan telah cukup syarat tempoh perkhidmatan tiga belas (13) tahun di Gred DV36** serta bakal memohon **kenaikan pangkat secara Time-Based Berasaskan Kecemerlangan Kali Kedua (TBK 2), tidak perlu memohon** untuk urusan pemangkuan ini.

5. Permohonan hendaklah disertakan bersama dokumen-dokumen berikut:

- 5.1 **Lampiran A** – Borang Pertimbangan Pemangkuan Perkhidmatan Gunasama Persekutuan Skim Perkhidmatan Penolong Pegawai Latihan Vokasional Gred DV36 ke Gred DV38
- 5.2 **Lampiran B** – Borang Perakuan Ketua Jabatan;
- 5.3 **Lampiran C** – Surat Akuan Pinjaman Pendidikan;
- 5.4 Surat Keputusan **Tapisan Keutuhan SPRM** terkini; dan
- 5.5 Salinan **Laporan Penilaian Prestasi bagi tiga (3) tahun terkini (2016, 2017 dan 2018)** yang telah disahkan.

6. Kerjasama pihak YBhg. Tan Sri/Datuk Seri/Dato' Seri/ Datuk/Dato'/tuan/puan adalah dipohon untuk mengemukakan **dokumen yang lengkap** seperti maklumat di **perenggan 5** di atas bagi setiap pegawai dari Kementerian/Jabatan/Agensi di bawah seliaan YBhg. Tan Sri/Datuk Seri/Dato' Seri/ Datuk/Dato'/tuan/puan ke Bahagian Perkhidmatan **sebelum atau pada 3 Mei 2019 (Jumaat)** di alamat:

Ketua Pengarah Perkhidmatan Awam
Jabatan Perkhidmatan Awam
Bahagian Perkhidmatan
Aras 1, Blok C2, Kompleks C
Pusat Pentadbiran Kerajaan Persekutuan
62510 PUTRAJAYA
(u.p. : **Encik Mohd Zulkefley bin Mohd Sabri**)

7. Dimaklumkan bahawa, menjadi tanggungjawab Bahagian Pengurusan Sumber Manusia (BPSM), Kementerian/Jabatan/Agensi di bawah seliaan YBhg. Tan Sri/Datuk Seri/Dato' Seri/Datuk/Dato'/tuan/puan untuk memastikan **hanya permohonan daripada pegawai yang memenuhi syarat** seperti di **Perenggan 2** sahaja dikemukakan ke JPA. BPSM juga perlu menyemak dan mengesahkan semua maklumat yang dikemukakan adalah tepat berdasarkan buku rekod perkhidmatan pegawai yang terkini (**buku rekod perkhidmatan tidak perlu dikemukakan**). Sebarang kesilapan fakta yang telah disahkan oleh BPSM boleh menyebabkan permohonan tersebut tidak dipertimbangkan. Permohonan yang **tidak lengkap** atau **lewat diterima tidak akan diproses**.

8. Sebarang pertanyaan berhubung urusan pemangkuan ini boleh diajukan terus kepada pegawai-pegawai berikut:

i. **Puan Rohaya binti Harun** - 03-8885 4341
rohaya.harun@jpa.gov.my

ii. **Puan Haini binti Ahmad** - 03-8885 4317
haini.ahmad@jpa.gov.my

9. Segala perhatian dan kerjasama pihak YBhg. Tan Sri/Datuk Seri/Dato' Seri/Datuk/Dato'/tuan/puan berhubung perkara ini amatlah dihargai serta didahului dengan ucapan terima kasih.

Sekian.

“BERKHIDMAT UNTUK NEGARA”

Saya yang menjalankan amanah,



(MOHD ZULKEFLEY BIN MOHD SABRI)

Cawangan Pengurusan Perkhidmatan Gunasama
Bahagian Perkhidmatan
b.p. Ketua Pengarah Perkhidmatan Awam
MALAYSIA

☎ : 03-8885 4110

✉ : zulkefley.sabri@jpa.gov.my